

欽定剿平三省邪匪方略

欽定剿平三省邪匪方略正編卷一百四十五

庚申年

正月二十一日

甲戌

上命軍機大臣傳諭軍營帶兵大員及各督撫曰剿辦教匪四載有餘帶兵大員等惟以山深地險爲詞尾隨賊蹤東追西擊而賊匪仍任意奔突辦理迄無把握此其故實由堵禦不力所致試思辦賊機宜原不出剿堵二法然必先堵後剿方可收搏

擊之效若官兵隨後追躡而前無攔截豈能得力  
年來惟吳熊光在豫境防堵尙屬認真是以賊匪  
不能闌入此次分竄陝楚之賊若各該省邊界果  
能嚴密防堵賊匪何從竄入卽云該處多係深林  
密菁路徑分歧勢難逐一派兵駐守然必有要隘  
處所可以扼險控制如老林爲賊匪恃以藏身之  
地一經被剿緊急卽入林藏匿而領兵大員亦以

禦不力官員本應律以軍法今已格外從寬不卽查辦各該員等尤當各知愧懼力圖自贖倘此後再有踈縱必當查明防堵何處之員係屬何人嚴叅治罪斷不能再爲曲貸也

二十三日

丙子

倭什布奏言竊青白黃及線字等

號匪衆合夥先後由王家山紅銅山東竄不過以房保一帶山深路雜可以躲避官兵兼圖掠

食今北面竹谿縣城已調都司劉應世等順道  
攔截若南面兇之過急促賊東竄轉無以逼剿  
入川因札飭總兵孫清元帶兵仍令自西迤北  
前進並以賊蹤迅速抄前不易復飛札防守巴  
東之總兵王凱挑撥官兵由興安保康東面扼  
要迎截遏其去路臣將石店河等卡安設停妥  
卽奏齊兵勇於初九日自玉璜頂翻越紅銅山

十一日探知該匪大夥由廣龍灘前竄又分股

留屯石板河勢欲窺伺泉溪糧站臣當卽飛飭

孫清元抄赴和合埡等候十二日午刻賊果向

彼處繞出官兵預伏埡口猝用大礮擊斃十餘

人該匪尙冒死搶越適臣帶兵趕到飛派兵勇

從左右山梁攀援而下截殺三四十人賊始退

去隨探知賊衆已在泉河左近之雙竹園等處

屯紮十三日

臣

卽取道黃柏溪太平關兜出當

派孫清元帶領遊擊全祿爲一路叅將吉林泰

曹星等爲一路

臣

親率叅將海麟都司周言昇

等爲一路分道抄往掩襲申刻行抵該處出其

不意一擁而進賊人不及持械格鬪分投亂竄

官兵爭用刀矛扎戮立斃賊一百數十名內有

十數人似官兵裝束生擒江榮萬等十一名並

當場散出新被裹脅之汪孔章汪商氏等二十  
二名口當于寧釋乘勢追剿因雪霧迷漫山徑  
冰凌跌斃匪衆甚多時已天晚雪愈深厚官兵  
撤回暫駐賊匪奪路東奔十四五等日該匪又  
分股一向郭家洲一向官渡河前竄研訊江榮  
萬等均供連日官兵剿急無暇搜掠糧食亦不  
敢放火思欲奔赴房保地方並聞竹谿竹山等



縣無兵防守欲分股乘虛攻撲倘東路有官兵  
攔頭只可仍舊入川當將該匪等辦理查竹谿  
城守空虛前調都司劉應世等已帶兵趕到賊  
人因不敢北竄而竹山房保等處亟須官兵順  
道兼護臣是以統領官兵就近前往兜剿兼杜  
其北竄江岸一面飛催王凱派兵前來夾擊若  
能乘此勝勢可以剿除固屬甚善否則日內仍

通令從南山入川亦爲有裨奏入

上命軍機大臣傳諭倭什布曰陝境平利賊匪乘虛  
竄入楚境由倭什布防範不嚴所致自應趕緊截  
剿以贖前愆乃倭什布自前次正月初八日發摺  
後距此次十六日發摺之期中間又閱八日而所  
奏剿賊情形不過派兵分投堵擊殺賊僅止百餘  
並未將賊匪痛加殲戮又未能截使回川且據奏

稱訊據獲犯江榮萬等供稱賊匪欲赴房保地方  
因聞竹谿竹山等縣無兵防守欲分股乘虛攻撲  
竹谿竹山一帶向爲賊蹤出沒之地何以竟至無  
兵防守即使兵力不敷亦應調派鄉勇扼要堵禦  
乃倭什布旣置之不辦甚至該處無兵防守賊匪  
已探知確實而倭什布轉毫無準備且在賊夥往  
來窺探並不能卽時盤獲種種疎縱玩悞所辦何

事看來倭什布竟擇一安穩之處駐劄度歲而置  
堵剿機宜於不問著嚴行申飭前已有旨令伊來  
京候旨所有該處剿辦賊匪之事交松筠接辦但  
松筠一時未能到楚倭什布仍當督率弁兵實力  
截剿若能於松筠未到之前將賊匪剿淨或仍逼  
回川境俟松筠到後將一切事宜詳悉告知同住  
數日再行交代來京尙可邀恩另加擢用尙不知

愧奮一味遷延至松筠到楚時尚未能將竄匪辦竣則是倭什布有心貽悞其罪無可貸也

同日河南按察使完顏岱奏言竊臣自去秋會

同道員陳鍾琛等在鄭均襄宜一帶分駐訓練

兵勇日夜巡查防範頃據探報賊匪於初四日

被大兵追剿窮蹙青白寺號賊匪合併四股約

六七千人竄入楚省竹谿邊境總督倭什布督

率官兵迎擊賊匪翻山越林東竄

臣

查此股賊

匪非由陡河口一路撲擾卽由房縣竄擾

光穀或由保康竄向荊州荆門折竄宜城安陸

一帶江面希圖搶渡北竄有山之處苟延殘喘

是襄陽東西江面均關緊要且值江水淺涸之

時

臣

現在一面督兵嚴防一面分委員弁將二

卽以下至襄宜往來船隻盡行飭令於東北二

岸行走停泊卽沿江兩岸居民往來渡船夜間亦不准在西南二岸灣泊以防賊匪偷越並分路差探賊蹤趨向何處緊要卽帶兵赴何處竭力堵截臣因所帶兵勇止四百名恐賊匪分股

前來向各淺灘處所覓渡關係匪輕已飛稟巡撫吳熊光飭令武陟縣知縣林嵐帶現駐朱陽關之練勇一千名并就近招募鄧州能打鳥鎗

之鄉勇四百名 別來分卡協防似更得力奏入

上命軍機大臣傳諭 吳熊光曰完顏岱奏稱賊匪希

圖搶渡漢江北窺 有山之處現在督兵嚴防並飭

令往來船隻於東北兩岸行走停泊以防賊匪偷

渡所辦俱妥但完顏岱現有兵力及所調練勇尙

覺稍單恐賊匪分股前來向各淺灘處所搶渡防

範不能得力吳熊光仍當遵照前旨令總兵常林



酌帶弁兵馳赴豫境邊界幫同完顏岱等察看何處江岸緊要卽在何處分派兵弁竭力堵截勿令此股竄匪闖入豫境爲要

二十四日

丁丑

廣興奏言竊

臣

任事以來通盤核

算額勒登保德楞泰兩路軍營每月共需用銀十萬餘兩七十五朱射斗兩營每月共需銀三萬餘兩現在額勒登保赴陝協剿將征兵留與

魁倫帶領朱射斗一路亦歸併魁倫統轄兵數  
有減無增川省兵餉每月仍不過十餘萬兩加  
以馱運糧石軍火運脚各處鄉勇口食以一年  
而計至多不過三百萬兩卽足敷大兵之用其  
帑項總屬不敷之故一由藩司庫貯無存將該省  
留防兵弁文武官員俸薪養廉雜項全數取給  
於軍需彼此糾纏款項總不能清一由地方劣

員借軍需名目濫行支取一州一縣動需數萬  
承辦糧餉之員若不給與銀兩則藉口賊匪滋  
擾恐致貽誤冀圖挾制其實具領盈千累萬而  
賊匪到處狂奔該州縣仍束手無策如署南江  
令喬維新之盤獲正登廷者百不得一

臣屢次

嚴飭各員經手軍需務期慎重設有絲毫浮冒  
惟有據實嚴參無如積習相仍一時不能梭改

現在夔州府知府言朝標自上年七月到任至

臣

抵川之日爲期不過三月已用軍需銀十四

萬有零彼時大兵全在川北之通江南江太平  
等處川東止有張子聰一股往來遊奕其餘地  
方並無賊匪該府所管不過守城兵勇人數無  
幾所運米石亦屈有限何至用銀如許之多當  
卽嚴行駁飭令其加意撙節並令造具清冊呈

閱乃該府於十一十二兩月除十二月分守城  
守卡鄉勇雇價尙未給發外又用銀四萬九千  
餘兩並以關稅保留支駐防兵餉必不可少之  
欸徑行動用屢次詳請給發查該府所管段落  
止有奉節巫山大寧三縣叅贊德楞泰大兵雖  
於十二月底在該管地方經過一切錢糧仍係  
隨營糧員供應該府所領之項並未絲毫用至

軍營且所報各賬全係籠統約計而言多有例  
不准銷之項若三縣地方半年卽需銀二十萬  
則川北之保寧順慶等府相率效尤焉有如許  
國帑任彼花費耶又署閬中縣知縣李元臣前過  
保寧詢知該縣經手軍需至二十九萬詰其因  
何支銷旣不能登答又無存留清賬當卽札致  
魁倫嚴行查辦嗣該督未經核叅復接代辦川

北道裴正文來函該縣仍不能悔改一味逢迎  
不知收斂該縣係保局附府首縣又兼在局行  
走從前該道等未免瞻徇是以領項自由若不  
亟爲辦理因循日久則所費更多署廣元縣知  
縣馬鳴鑾從前因經畧追賊至該縣地方詳請  
雇募驟頭挽運當卽批令俟大兵稍遠卽行裁  
撤及至移師出境該縣雖遵照裁撤復以往來

差務繁多將軍需與地方差務牽扯一處稟請  
添設長驛查每驛一頭月需銀九兩原爲馱運  
軍火糧石而設若過往雜差係地方事件本有  
額設驛馬應付該縣旣圖討好見長濫行供應  
豈可動用軍需正項爲該縣辦理流差且查所  
開數目亦多不能核實經臣批飭復據該縣以  
業經賠累萬金具報查該署縣本非肆應之材



於八月間到任甫及五月以雜項差務賠累爲  
辭輒敢請領軍需挪移彌補此時萬無准其開  
銷之理况所稟賠累情形更不無捏飾情弊現  
在川省不肖州縣相習成風視軍需爲出息總  
局不發則稱貽悞地方稟懇總督若給與銀兩  
又藉口差務賠累缺分平常妄行花費若不撤  
回核算清楚則款項終難明晰臣再四籌維必

須治一懲百謹據實陳明請

旨將言朝標李元馬鳴鑾三員均行撤回令其攜帶  
動用軍需原賧至達州核算清楚即使別無情  
弊該府縣支銷不慎亦應將浮濫欸項責令照  
數賠出以示懲戒

廣興又奏言

臣

接准提臣七十五來函現在追

剿逆匪連得勝仗出力兵丁應行賞賚鳴令每

月給銀三百兩以充公用查該提督現在帶兵一切賞需在所必用但不必拘定三百兩之數現已會同魁倫札致該提督嗣後如動用賞需卽就近向該糧員提用一面開明因何賞用事由被賞兵丁名姓造冊移交以便稽查奏入

上命軍機大臣傳諭廣興曰據廣興奏報支用軍需情形將經手錢糧浮濫之府縣三人據實陳明所

辦尙是節次所發部帑專爲軍需而設而地方官  
往往以本省支用各款牽混前經降旨令總理糧  
務之員將地方軍務劃清界限不得仍前牽扯今  
知府言朝標請發餉銀清還稅款知縣李元支銷  
銀數並無存留清張馬鳴鑾以往來差務繁多添  
設長驛濫行供應似此弊混糜費無怪所發帑項  
總不敷用廣興奏明查辦係爲慎重軍需起見且

自到川總理以來已經半載一切辦有頭緒著加  
恩仍留川省幫同托津辦理軍需至前次所裁鄉  
勇究在何處或係安靜地方並無賊蹤往來或係  
應行防堵處所並著廣興據實覆奏不可因已經  
裁撤稍有迴護再阿迺斯前有旨令其暫辦軍需  
事務今廣興已留川省阿迺斯接奉前旨如已至  
達州卽仍回原駐處所防堵如未經起程卽不必

前赴遼州免致徒勞往返也

上又命軍機大臣傳諭魁倫曰廣興奏川省支用軍需各款內知府言朝標率請發給餉銀清還稅課又知縣李元支銷銀數並無存留清賬知縣馬鳴鑾藉差爲名添設長驛濫行供應明係意圖牽混糜費軍需自當核實查辦廣興不避嫌怨據實奏出所辦尙是該府縣等於經手餉銀並不按例動

用任意牽扯若不徹底查明懲辦何以示儆著魁  
倫詳晰查明如果屬實卽將該員等撤回叅辦不  
可因係廣興所劾稍有徇徇再川省大股賊匪俱  
已竄入陝甘及湖北邊界所有分竄各股不過零  
星餘匪魁倫前已帶兵由達州起程務當上緊截  
擊並於應堵處所務飭所屬實力防堵總須於春  
三月內一律辦竣王德榜奏七十五本在川東剿

賊茲廣興奏接准七十五來函據稱追剿逆匪連  
得勝仗每月需銀三百兩以作賞需七十五在何  
處連得勝仗並未奏知所需之銀作何用度恐未  
必確實並著魁倫查明德楞泰七十五此時究在  
何處催令上緊赴湖北竹谿剿賊勿稍遲緩

同日楊揆奏言

臣

帶領固原頭起官兵行至靜

寧疊據鞏昌府知府朱爾漢等稟報賊匪自闌



入鞏縣後卽從秦州西和禮縣一帶分起焚掠  
擾至伏羌恐其窺伺鞏昌郡城查秦州西北伏  
羌寧遠等處均係去年賊匪出沒熟徑茲旣窺  
向鞏昌所屬臣如趕赴秦州轉在賊匪過後是

以卽由靜寧改道進發並接臬司姜開陽知會  
已經奏調督標甘涼官兵二千餘名前赴秦州

調遣臣卽飭令該官兵先後俱至鞏昌會齊並

有預備河州鎮標官兵五百名臣亦知會姜開

陽一併檄調前來預備派撥臣於本月十五

日行抵鞏昌偵探賊匪已由伏羌西路擾至寧

遠四門寨分股折向楊家河馬塢等處據稱係

高家營戴家營張家營等股人數衆多揣度賊

勢若不敢北窺蘭鞏自必西竄洮岷向無兵處

所冀延殘喘臣現在嚴催後起各兵一俟齊到

即從西北迎頭相機截擊惟賊蹤遊奕無定如  
探聞西北有備又復折向東南則秦州一面亦  
關緊要頃准松筠札敬悉奉有

諭旨飭令那彥成恒瑞率領勁兵赴甘剿辦如由

縣取道秦州從東南兜擊實於軍務有裨吉蘭  
泰同道員瑞亨帶兵仍駐崧縣經姜開陽檄調  
寧夏鎮標官兵一千名交吉蘭泰帶領可以少

壯聲勢惟徽縣與兩當成縣皆甘省出入門戶  
勢難各路嚴密防堵茲吉蘭泰等所帶之兵自  
不如移駐秦州相機扼要截剿以防賊匪肆出  
蔓延與臣彼此呼應亦覺聯絡較之遠駐徽縣  
邊境似屬得力臣現在札致吉蘭泰熟籌辦理

再原任成都將軍慶成接松筠知會囑令速赴

鞏秦一帶協力堵剿臣亦卽同至鞏昌督率照

料奏入

上命軍機大臣傳諭那彥成曰楊投奏高家營等股  
賊匪分投折竄已由秦州西和禮縣一帶前竄伏  
羌焚掠是甘省情形如此緊要而摺內總未言及  
額勒登保那彥成是二人尙未趕到朕盼望軍報  
朝夕焦勞豈伊二人帶兵剿賊尙復從容按站行  
走耶在伊二人之意若以追趕過急恐賊匪轉致

深入西北殊不知賊匪斷無在中途停待等候宜  
兵趕上之理若任其奔竄西北豈竟聽彼遁出嘉  
峪關外乎現在楊揆慶成已帶兵截住西北額勒  
登保那彥成應由東南秦鞏一帶兜擊此時賊匪  
已出老林甘肅秦鞏一路俱係土山平衍正可施  
展兵力上緊追剿未必非極好機會額勒登保那  
彥成當與楊揆等兩面夾攻痛加殲戮卽在甘省

歲事方爲快慰此四股賊匪雖有二萬餘人其中  
裹脅居多而各處勁兵皆在此一路必須上緊會  
剿迅勉歲功

上又命軍機大臣傳諭慶成揚揆曰楊揆前奏酌調  
官兵趕赴秦州防禦茲因深知賊匪擾至伏羌恐  
其窺伺鞏昌卽改道由靜寧進發先將西北一面  
迎頭截擊遏其深入再向東南逼剿會合大兵所

辦甚是此時高家營戴家營等股賊匪分投折竄  
慶成現留該處帶兵楊揆惟當與慶成相機迎截  
實力堵剿勿令賊匪深入西北致未經被賊地方  
又遭蹂躪再楊揆係屬文員於帶兵打仗自未諳  
練慶成久歷戎行一切截剿之事專交慶成辦理  
伊係獲罪之人經朕加恩仍令帶兵剿賊自當激  
發天良倍加奮勉如果能認真出力不惟可贖前



愆朕必加之恩賞倘仍前怠玩必當加重治罪不  
能再爲曲宥也

二十五日

戊寅

吳熊光奏言

臣

前自盧氏起程時

接准倭什布知會去臘竄近竹谿邊境之賊業

經官兵堵截折回川省

臣

因川陝楚交界賊蹤

出沒無定當囑臬司完顏岱等督率兵勇分往

江岸加意嚴防茲復准倭什布咨稱川省各股

賊匪多至數千人由平利關入竹谿東竄而界  
外尚有各股賊匪又據臬司以江防緊要稟請

添撥兵勇

臣

思豫省西南兩路邊防均爲著重

然南路究有一江之隔而西路則跬步皆山賊

匪尤易竄匿昨接台布來信知那彥成帶兵移

防沔畧一帶該撫專辦南山之賊目下高遇春

雖已就擒而冉學勝等尙未撲滅鎮山商維

帶皆系該匪熟由之路一經官兵追截難保其  
不復東趨則豫省慮氏浙川沿邊數百里在在  
均須守禦鎮臣常林田永桐等帶兵分駐防守  
俱未便撤動但賊既竄入楚境勢向東奔則沿  
江一帶防楚卽所以防豫亦宜嚴密佈置臣原  
派兵勇不及二千名分佈鄖襄北岸尙恐地廣  
力單自應酌量添撥而就近又無可以抽調之

兵惟有知縣林嵐所帶新兵千餘名現在駐劄

盧氏之朱陽關

臣

於去秋添派守備黃文錦等

幫同管帶認真訓練係一路策應得力之兵該

處尙在邊境後路暫可調用

臣

已飛札林嵐等

速卽帶往江岸交與完顏岱調遣並添募鄧州

鄉勇數百名協力防堵至鄖境所設豫省兵勇

原派都司楊景芬道員陳鍾琛知州畢可堽等

分帶駐守此時竹谿之賊趨向未定而楚省界  
外尚有賊匪則鄂陽正當江岸西路之衝不可

遽移

臣

札囑完顏岱就近察探情形如賊果直

向東趨隨時相機移調併力堵禦並查提江面  
船隻盡靠北岸行走勿致稍有疎虞正在拜摺  
間欽奉

諭旨以陝省平利一帶原匪闖入楚省竹山竹谿邊

界約有五千餘人令派河北鎮常林酌帶弁兵馳  
赴該處同完顏岱嚴密防範查常林駐守樂莊係  
在西面北路田永桐駐守荆子關係在南路日  
下陝境賊匪尙未蕩平該鎮等所帶之兵僅資  
分防難以撤調容臣再探情形倘日內竹谿之  
賊經倭什布截退固屬甚善萬一竟致深入江  
岸必需添兵則田永桐帶兵由浙川前往較爲

便捷俟續得確信再行妥辦奏入

上命軍機大臣傳諭吳熊光曰吳熊光自去歲駐劄  
盧氏浙川一帶督率兵勇防禦邊界最爲認真朕  
節次詢之自陝楚來京之人亦俱稱豫境防堵極  
爲嚴密現在鄖襄北岸有完顏岱帶兵防堵而張  
漢潮餘匪經台布等追剿難保其不復東趨吳熊  
光惟當隨時確探賊蹤察看西南兩路何處緊要

卽行派員督率堵剿勿令闖入豫境至楚省竹谿  
竄匪如尙未截回則江岸防守須添兵力吳熊光  
酌令田永桐帶兵由浙川前往自較爲便捷仍探  
明楚省官兵如何剿殺賊匪曾否驅逼出境之處  
卽行馳奏以慰厯注



欽定剿平三省邪匪方略正編卷一百四十六

庚申年

正月二十七日

庚辰

額勒登保德楞泰松筠奏言

臣

額勒登保由廣元入陝十七日行至寧羌州

之大安驛

臣

松筠由漢中趕至查高姓等股賊

匪既經分竄其勢易至蔓延那彥成等雖帶有

官兵七千餘名剿堵恐不能兼顧且秦州東北

毗連陝省之隴州一經闌入地勢漸就平衍西

安一帶卽爲震動臣額勒登保自應徑出棧道

從寶雞趕赴隴州一帶截剿十九日行抵褒城

臣

德楞泰正行次西鄉之大灣賀家山地方猝

遇伍金柱一股賊匪分派官兵在瓦溪溝十二

嶺等處追殺二十餘里殲賊三百餘人擒獲活

賊蔣士臣等四十三名都司馬濤千總游金階

陣亡總兵扎勒杭阿受石傷一處餘匪遁入老

林<sub>臣</sub>德楞泰以賊竄甘省爲重飛咨王文雄長

春就近相機堵剿卽趕緊行走於本日亦至褒

城沿途并探得張漢潮餘孽分爲三股其前一

股先後俱從棧道之松林驛陳倉溝竄入甘境

<sub>臣</sub>等查此時賊勢多半聚於甘省分股肆竄該

處道路紛歧必至遍遭蹂躪<sub>臣</sub>額勒登保刻卽

由寶雞趕赴隴西扼截東北大路但那彥成從

徽縣一路竄入之後倘該匪等又折竄鳳縣兩  
當奔入南山一帶仍屬可慮臣等再四思維川

省賊匪漸經竄出所存不過數股有魁倫率同

阿哈保七十五李紹祖朱射斗等帶兵剿辦陝

省西鄉五郎等處雖尚有賊匪有台布岱森保

王文雄及各鎮等或堵或剿尙可不致鳴張臣

德榜泰已到夷城距甘不遠若折回川省不獨

擴延時日轉恐徒勞兵力以攻兩處均不得濟  
不若卽由兩當進發既可與那彥成等兩面夾

攻臣額勒登保又帶兵從東北截剿則台有三

路重兵卽或一時未能殲除淨盡亦斷不致蔓

延臣額勒登保現札致魁倫台布等於趕剿之

中必須寓以持重台布等尤當於五即鎮安一

帶堵禦東竄之路俟臣等將甘省之賊全行殲

洗移師川陝卽可以次掃蕩至應用之軍火糧  
餉等項臣松筠業已飛飭各屬一體妥爲預備  
務使源源接濟不致缺乏

同日台布奏言

臣

接據隴州稟報川匪已竄至

州屬之長寧驛屯聚勢甚猖獗因卽加緊行走  
出子午峪向西迎截途次復據副將多爾濟扎  
普來稟該協帶兵追躡張逆餘匪行至石泉縣

邊界適川省竄匪搶渡過江距城甚近經署石  
泉縣知縣李樞煥懇令暫行註劄城外以安民  
心查此股賊匪既已過江各路大兵相距俱遠  
斷無舍大股而辦此股之理多爾濟扎普所趕  
監號餘匪又已往西且有六兵攔阻該協自應  
留於石泉幫同堵禦但兵力究竟稍單設或關  
截不住必致擾及鎮安等處商州爲陝豫交界

無將無兵臣營兵丁一千二百六十餘名鄉勇

一千餘名既不能抽又無可調顧省城則商州

藩籬未固顧商州則省城平地空虛卽使兩路

均有大兵尾擊而來地方之蹂躪已過正在萬

分焦急適准那彥成來札亦以川匪北竄格外

爲慮已由褒城入棧是棧道已有重兵不虞竄

出平地臣正可專顧商州因一面飛飭各商濟



扎普如能將此股川匪痛剿則已否則馳之六

山以便

臣

迎頭截擊

臣

亦一面移師前進又據

蓋屋鄂縣稟報張逆監號餘匪於十九日竄出

辛峪

臣

查此股餘匪本係副都統岱森保等所

追岱森保於初十日追至大河壩探知冉學勝

一股在石家鋪野人溝一帶屯紮距大河壩四

十餘里趕緊行抵城屯處所賊匪正在糾聚之

際岱森保令步兵由西北山梁下壓馬隊由西  
南山梁抄殺殲斃二十餘名生擒十三名所獲  
騾馬鳥鎗矛子甚多餘匪翻梁奔逃岱森保等  
復繞至店子河山梁該匪見山路崎嶇將騾馬  
歡斃連翻數梁而逸今又從毛坪一路翻山探  
知辛峪無兵遂思竄出平地希冀逃生

臣

一接

稟報卽刻折回令總兵觀祥帶令兵勇先往截

刺臣亦於四鼓督兵繼進該匪一見觀祥兵到

捨命竄回峪內沿山逃逸臣查辛峪之左有舊

峪亦通毛坪一帶岱森保正由此路前來密合

觀祥將該匪等逼入舊峪俟岱森保東來兩面

夾擊可期得手或不能殲盡該匪等實已窮

蹙岱森保正一隊兵力足資搜捕臣前奉

旨專辦南山各股日前大局重兵俱在西面東路甚

爲單弱臣 仍當前赴商州緊過石泉屯聚川匪

入豫之路惟有隨時斟酌緩急緊顧大局斷不

敢稍有踈懈再臣 擬帶兵前赴商州原爲緊顧

門戶起見但峪口一帶亦須佈置臣 營雜項兵

一千二百六十餘名酌撥馬兵四百名並調省

城操演純熟之壯丁七百名交觀祥在舊峪堵

守相機進剿臣 到商後惟有多團鄉勇親自操

練以助聲勢惟帶兵將弁觀祥去後臣營哨悉  
營務之人較少查有奉

旨發往四川候補總兵劉之仁屢經出兵打仗洞悉  
管伍現隨川餉來陝因棧道未靖餉銀停止前  
進該員閑任西安且餉銀尙有候補道府元福  
管解省城又經派員護送現值需人之際臣已  
札調劉之仁來營幫同勦辦

台布又奏言竊據探報川省各股因被剿情急  
刻思躡淺偷渡漢江亟須派員前往幫同照料  
正與那彥成彼此商酌適據辦理糧務之禮泉  
縣知縣陸維基面稟情願前往團練鄉勇防堵  
華陽臣以其情係急公且人亦明白曉事卽令  
酌帶丁役前往該員復稟請添派投効縣丞某  
傀一同進發詎該令等於二十七日行至手扳

崖猝遇遊擊應元寬勦敗賊匪從上而下該令  
等適自下而上致被圍裹該令知不能脫身令

家丁逃避指賊大罵賊衆持矛攢刺咽喉其中  
七傷而死縣丞葉槐在後行走聞知有賊上至

左首山梁亦被賊矛截傷腰眼殞命

臣

查陸維

基由捐納府經借補縣丞得有軍功陞授今職  
又於白巖地方打仗受傷奉

旨以應陞之缺陞用已換五品頂戴臣與那彥成統

兵進山該員專辦糧運盡心經理從無貽悞因

聞漢江有警自請前赴洋縣團練防堵實爲急

公起見今猝被賊戕殊堪軫恤隨帶家丁五名

護主不去四死一傷情亦可憫除被傷家丁臣

已酌賞外所有原任醴泉縣知縣陸維基仰懇

天恩俯准照陣亡例給予恤與投効縣丞葉槐一併



勅部賜恤均奏入

上命軍機大臣傳諭額勒登保那彥成德楞額泰松筠  
台布曰高姓等股賊匪在秦州鞏縣等處分竄那  
彥成等已帶兵取道鳳縣從兩當前進額勒登保  
徑出棧道趕赴隴州截剿適遇德楞額帶兵來陝  
在西鄉地方猝遇伍金柱一股賊匪當卽派兵追  
剿殺賊三百餘人伍金柱之名從前未據奏及是

否係由川分竄入陝之賊抑係別股賊匪經官兵  
剿殺後又遁入老林實爲可恨總由帶兵大員等  
未能將老林出入要路先行派兵把截以致賊匪  
又復潛入藏匿其高姓等賊匪現在那彥成等或  
已遇賊接仗乘機截殺此時額勒登保帶兵從東  
北進擊正可併力截剿至額勒登保以川省賊匪  
所存股數無多德楞泰已到褒城應卽令山兩當

進發與那彥成等兩面夾攻一節川省之賊因彼處無可掠食是以竄入甘境現經額勒登保等合兵追剿自未必仍折回川必思竄至陝省而陝境石泉一帶現據台布奏稱又有川省竄匪搶渡過江距城甚近該處兵力較單難以堵禦看來賊匪彼此勾通竟有分掣官兵之勢倘竄往甘省之賊或又乘間折回東竄則陝省未經被賊之區復遭

蹂躪甚有關係現在西路追剿賊匪已有額勒登保與那彥成兩路之兵又有楊揆等所調之兵併力夾擊足資搜捕德楞泰自應卽赴陝省會同台布剿辦石泉之賊並防甘省竄匪折回陝境方不至顧此失彼額勒登保惟當與那彥成等將甘省之賊速行剿除其陝境之賊交德楞泰剿辦所有在西鄉殺賊陣亡之都司馬濤千總游金階俱著

咨部賜卹又據台布奏官兵分剿張逆餘匪台布  
因川省竄匪擾至隴州之長寧驛卽帶兵由子午  
峪向西迎截而石泉一帶又有川省竄匪搶渡過  
江此股賊匪又係何處竄來之賊該處只有副將  
多爾濟扎普帶兵守禦恐難得力現已諭令德楞  
泰趕赴石泉一帶務須將此股賊匪速行剿盡以  
免蔓延其張逆藍號餘匪已有觀祥與岱森保帶

兵追擊台布自當速赴商州緊扼石泉屯聚竄匪  
入豫之路不使此股竄匪輾轉奔逃又闌入陝豫  
交界爲要再前此那彥成等派令額勒亨額帶領  
盛京兵一千名幫同柯藩在漢江防堵此次石泉  
一帶竄匪搶渡過江是否係伊二人防範不嚴所  
致著台布查明究係何路踈縱卽據實叅奏至賊  
匪業經偷渡若額勒亨額等所帶防江之兵可以

無須留設防堵台布一路兵力既不敷用卽可就  
近將盛京兵一千名酌調應用至所奏醴泉令陸  
維基因聞漢江有警自請團勇堵禦猝遇賊匪圍  
裹馬賊被戕深知大義陸維基曾賞給五品頂戴  
著咨部照同知例賜卹其縣丞葉槐亦著咨部照

例賜卹

上元命軍機大臣傳諭魁倫曰前因陝境竄匪闖入

楚省邊界竹山竹谿一帶曾諭令德楞泰前赴楚境協剿今據台布奏陝省石泉一帶復有賊匪竄擾該處兵力單弱難以堵禦現已令德楞泰卽赴石泉剿辦川省各股賊匪雖因該省兵勇防守倥傯無食可掠是以復行竄入陝楚地方然究因川省未能設法兜圍將木境賊匪剿除淨盡以致該匪等復又乘虛奔突是此時川境賊少未可云魁



倫之功卽該省並無一賊亦難加懋賞倘以川省  
之賊竄入他省卽爲完事又豈純臣之居心耶現  
在川省賊匪股數無多而楚省剿賊急須兵力著  
魁倫於通省鎮將中如七十五阿哈保朱射斗等  
察看何路距楚省二竹一帶較近卽派一人速行  
帶兵前往協同楚省官兵併力合擊或截回川境  
上緊剿淨如此方合封疆大臣任事之道朕必特

加優獎也

同日高杞奏言查賊匪疊經大兵痛剿窮蹙到處狂奔復被闖入楚境並據隨營道員依精阿稟報德楞泰統領大兵已至陝西鎮坪地方自卽來楚會剿軍需一切甚關緊要雖經臣等前此會議於竹山房縣保康等縣擇定穩妥巖洞存貯軍糧以備臨時急需之用但大兵到境支

應浩繁臣當卽督飭省司道趕緊寬撥軍火

糧米等項僱覓夫騾分派交與源源運解並先

飭隨營熟悉之鹽道祥麟赴督臣軍營聽候

委辦又派漢黃德道張道源馳赴襄陽督同該

府張瑤就近經理隨時轉解應用務期接濟無

悞惟楚省上年秋收豐稔亟須防賊掠食臣已

分飭地方各官遍諭各處居民告以大兵現在

圍剿賊匪卽日掃除務各共集義勇於扼要處  
所併力保守並將糧倉諸密收藏不可驚惶遷  
徙免致失所臣俟續接探報酌看情形再行倍  
道馳往襄陽一帶隨時相機策應再現在大兵  
臨境需用更多藩庫無項可支又無閒款備動  
而各屬錢糧雖屆開徵之期非特緩不濟急  
並有應還司庫借款以便支發兵餉俸工等項

亦難日久懸待惟有仰懇

皇上天恩勅部再撥銀八十萬兩趕解來楚以濟急  
需奏入

上命軍機大臣傳諭倭什布高杞曰據高杞奏稱竄  
匪闖入楚境德楞泰現統大兵來楚會剿竟成夢  
話德楞泰現經額勒登保奏稱業於正月二十日  
行抵襄城會剿甘省大股賊匪而高杞於二十一

日搗內猶率據道員稟報德榜秦帶兵來楚邊爾  
人奏不知楚省督撫大員所謂確探信息者何事  
可見伊等全在夢中朕尙有何言指示從前賊匪  
卽因探知竹山竹谿一帶防堵疎懈得以乘間闖  
入是我兵虛實賊匪得以偵探而賊中消息官兵  
轉不能探聽確實今高杞於帶兵來楚會剿之員  
係屬何人並不能確探得實尙望其能認真辦賊

耶齊傳旨申飭至奏請酌撥餉銀一節該督撫等  
當賊匪未經闖入境內之時於防堵漫不經心及  
一聞賊匪竄入邊界之信並不思如何剿辦輒以  
撥發餉銀奏請豈餉銀一撥賊匪即可辦畢耶但  
伊等既稱存項無多朕若不酌加撥給伊等轉以  
軍需不能充裕藉口難辦著於部庫內撥給銀四  
十萬兩解往楚省備用高杞務當酌量情形撙節

支放必須實用實銷勿令稍有浮冒

同日

上諭內閣曰楚省被賊滋擾地方本年春徵民力未免拮据所有曾經被賊之竹山竹谿房縣保康南漳東湖興山歸州巴東等九州縣及屯坐各衛共應完本年春徵正耗錢糧銀一萬七百五十六兩零著加恩緩至秋收後酌看情形再行起徵其隸



湖北地方之湖南軍屯荆正荆左荆右沔陽四衛  
及枝江松滋宜都當陽四縣未完嘉慶元二二三等  
年運費義幫等項共銀六萬五千二百九十餘兩  
著加恩自嘉慶五年爲始分作兩年帶徵以紓丁  
力又甘省被賊滋擾之鞏昌府屬隴西寧遠伏羌  
通渭岷州西和漳縣秦州並所屬秦安徽縣兩當  
禮縣三岔州判階州並所屬成縣西固州同等十

六廳州縣本年春徵錢糧著加恩緩至秋後徵收

二十八日

辛巳

上命軍機大臣傳諭四川陝甘湖北各督撫曰朕自上年親政以來嚴飭領兵大員及各督撫同心協力大加振作期將教匪速行殄滅綏靖地方乃一載有餘尙未歲事去年八月以後各處奏報往往以賊勢窮蹙爲詞彼時卽恐諸臣所奏意在寬慰

朕懷未必確實及臘月至今四川各股賊匪紛紛  
四竄闌入湖北邊界又有從寧羌暑陽竄至甘肅  
徽縣秦州一帶肆擾而陝省石泉等處亦有賊屯  
聚搶渡漢江可見前此軍營奏報賊勢窮蹙情形  
竟係飾詞寬慰若果窮蹙安能奔竄千有餘里卽  
沿途口食未必處處皆可搶掠何以總未見有餓  
斃者况現據台布奏賊匪將所帶騾馬糞斃奔逃

賊匪如係飢困自必藉以充食豈有轉將驟馬自行戮斃之理看來此等匪徒怙惡已深愍不畏死勢難藉招撫爲解散之計惟有痛加剿殺刻盡根株但賊匪固應殲除而良民尤當愛惜從前屢被賊匪裹脅之故總因地方官不能加意撫卹惟知苛刻苦累以致民志不固遇賊逼脅卽甘心附從此時惟有曉以大義庶可衆志成城著各督撫等

嚴飭各屬廣爲開導出示曉諭以爾等世世以來  
食毛踐土百數十年於茲我朝

列祖

列宗深仁厚澤無不浹髓淪肌卽此時被滅處所獨顯  
並施無非惠愛黎元登諸祚席小民具有天良自  
當倍加感激志切同仇豈有一經賊匪逼脅遽爾  
相從以到身家不保現在川陝各處其結寨保聚

者賊匪卽不能擄掠爾百姓等惟當集勇團練固  
守村莊賊至則合力迎禦賊去則仍安生業旣可  
捍衛鄉邑亦足自護室家方不負朝廷教養之恩  
如此體切曉諭則人思自衛不致再爲賊匪所擄  
多一民卽少一賊從此民心益固賊勢愈孤可望  
尅期蕝事譬如燎原之火已被焚燬者固已奔救  
無及惟將附近房屋先行拆毀開通火道則易於

撲滅此時業經從逆之人已難望其脫身賊隊而  
良民等豈可任其復被裹脅現在剿捕之事責成  
帶兵大員而曉諭百姓團練鄉勇則責成各督撫  
飭屬妥辦此爲固本之計若經此次傳諭之後地  
方官吏不能實力奉行復有擾累百姓之事該督  
撫卽行據實叅奏懲一儆百倘有瞻徇一經查出  
必將該督撫一併治罪決不寬貸

二十九日

壬午

魁倫奏言竊據朱射斗由巴通一

帶帶兵前來詢知通巴等處目下並無賊匪蹤

跡惟

臣

在達州時曾接新寧梁山等縣來稟稱

該縣所屬地方有不知姓名餘匪或數百人爲

一股或千餘人爲一股白晝伏匿深山老林之

內夜間出來攔路裹人名爲摸樁聞係川北川

東被剿敗散餘匪維時額勒登保已由達州起



程赴陝朱射斗在川北通江一帶剿賊德楞泰  
山太平前往西鄉七十五在大寧陝楚邊界此  
數股賊匪並無官兵跟剿是以江西解川餉銀  
暫行截貯梁山雲貴解陝馬匹亦暫住墊江臣  
卽欲前來剿辦而達州無兵可帶札調總兵百  
祥所帶羅紋壩等處防護糧運之兵及太平一  
帶撤回兵勇於初五日始各到齊該兵勇等支

領鹽糧料理鞋腳至初八日方自達州起程而  
該匪等知有官兵前來卽聞風由墊江鄰水大  
竹等處南竄臣原欲由渠縣廣安州一路進兵

因思此路追捕緊急賊匪勢必仍從夔州巫山  
等處奔竄入楚是以臣卽由新寧梁山墊江前

進以冀迎頭截擊賊必仍折回川北於通南巴  
州一帶剿辦較可得手太日行抵墊江縣屬之

沙平地方接警營江北廳同知李在文稟稱  
本月十一日賊匪至水土沱距該廳屬之悅來  
場十餘里有騎馬探路賊六七人前來經該廳  
與把總馬友文所帶兵勇鎗斃二賊搜獲紅白  
旗各一面旁寫頭領卅共壽五字是日亥時賊  
匪逼近悅來場該廳與把總率同兵勇奮擊斃  
賊三十餘名奪獲馬匹刀矛等件該匪正欲退

竄適先派之兵役五百名由間道馳至會合隨  
抽撥兵役三百名分布各隘卡設伏該廳與把  
總尾追賊匪率衆奔走欲搶渡南竄而南岸業  
有重慶府文武帶領兵勇防守鎗礮齊發北岸  
船隻早經調泊南岸該匪遂於十二日黎明翻  
山竄入劉家壩經伏兵與寨衆齊出該匪等自  
相踐踏是夜由土主場竄往合州查此股賊首

係冉添元並有王姓陳姓係王登廷徐添德二

股夥匪臣思江之南北兩岸先經臣疊札嚴飭

防守賊匪不能搶渡勢不得不仍從山路奔竄

臣卽日馳赴合州江北交界處所迎頭截擊至

陝省賊匪臣前聞其竄往畧陽慮其由白水江

搶渡擾及龍安當卽連次飛札飭令署龍安府

知府黃爲琳遊擊劉國剛於白水江一帶加意

防範如兵勇不足卽於附近酌量調撥添募隨  
據該署府暨遊擊等先後稟稱該處地方現皆  
寧謐所有應防卡隘俱經逐一佈置並查沿河  
間有淺灘之處均已安卡砌牆晝夜巡警其白  
水姚家渡上游至中廟碧口一帶現有都司恒  
慶千總侯有智帶兵防守亦係靠河紮卡該署  
府及該遊擊等親行督率弁兵於沿江上下梭

織巡防本日接獲署鳳元縣知縣馬鳴鑿稟稱  
本月初八日接陝省甘肅來信云臘二十日後  
有三起賊匪擾聚畧陽聞欲赴甘搶馬直赴成

都臣查賊匪擾及甘肅則龍安松潘一帶隘口

堵禦更關緊要該處如有知府遊擊究無大員  
彈壓恐不足恃查署松潘鎮總兵穆克登阿現  
在駐守夔州府該處官兵一千餘名鄉勇三千

餘名該協及該府在內足資防守况將軍阿迪  
斯駐劄大寧副都統必興駐劄開縣與夔州聲  
勢聯絡亦非龍安松潘之遠在邊隅可比臣已

飛行札調穆克登阿即由夔州星夜馳赴龍安  
督率官兵防堵白水江等處要隘勿令陝省賊

匪竄入臣亦即探明賊蹤前往追剿奏入

上命軍機大臣傳諭魁倫曰前因額勒登保等赴陝



剿賊其川省餘匪責令魁倫帶兵搜捕自應迅速  
前進而此次摺內據稱等候徵調各兵勇於初五  
日始行到齊因支領鹽糧料理鞋腳至初八日方  
自達州起程以致賊匪得由墊江南竄魁倫始赴  
合州江北一帶迎截所辦殊屬遲緩且新寧梁山  
等縣地方敗竄餘匪伏匿老林若僅係乘夜攔路  
襲人名爲摸樁可見其無他伎倆魁倫自應乘其

殘敗之時速行搜捕不使喘息稍寧日久潛匿或  
與他股之賊勾合又致難辦乃魁倫輒因等候兵  
力停住致任乘間奔逃所辦何事豈忘去年之面  
諭不思朕之焦急耶至白水江龍安一帶其地可  
通成都最關緊要上年慶成奏及朕卽降旨令該  
督等嚴防昨聞竄匪闖入甘境又經諭令加意防  
範今賊匪已擾及黑陽有赴甘搶馬直趨成都之

語則龍安一帶隘口更須實力堵截魁倫雖札調  
穆克登阿令由夔州馳赴龍安防堵白水江等處  
但穆克登阿一人豈能得力自應酌派他處弁兵  
令其帶兵前往而魁倫並未籌及其白水江等處  
原駐兵勇究有若干亦未據詳悉具奏此等堵禦  
緊要事宜不可膜視魁倫不應如此疎畧也再德  
楞泰已赴石泉剿辦陝境竄匪其楚省竹山竹谿

一 帶亟須兵力協剿而七十五現在大寧距楚省  
邊界較近自應速令馳赴湖北帶兵會擊且該提  
督在彼剿辦何賊總未奏及豈竟帶兵在彼閒住  
耶此時川省賊匪雖股數無多而分竄陝甘之賊  
卽係由川省逸入是川境賊少並非魁倫之功魁  
倫務須將川省餘匪上緊剿辦於三月以內悉數  
殲除其分竄陝甘之賊係由何路竄往此時尤當

派兵扼要堵截若再不能嚴密防範致陝甘竄匪  
復又折回四川或擾及完善地方則魁倫之咎甚  
重不可不倍加奮勉也

同日副都統國霖定柱奏言

臣等欽奉

諭旨管解川陝餉銀一百五十萬兩以七十萬兩交  
付陝西八十萬兩交付四川於正月十三日行  
抵西安隨據陝西管理軍需局藩司馬慧裕等

咨稱現在各路官兵剿捕張漢潮餘黨又有川  
匪闖入甘境鳳縣寶雞一帶現俱派兵堵剿應  
須鹽糧等項爲數不貲均應由省就近供支此  
時司庫軍餉告罄又無別項可挪惟有請將解  
到撥交本省餉銀內撥留二十萬兩存省備用  
臣等查此次撥陝餉銀自應全數解交松筠但  
該省鳳寶一帶現值各路大兵齊抵會剿是該

省軍需正當喫緊之際且據谷稱兵丁鹽糧均須由省就近借支自不敢稍存拘泥之見因一面知照松筠一面於解交陝西餉銀內撥給二十萬兩交馬慧裕等兌收備用其餘五十萬兩仍解漢中交付松筠至管解二三起餉銀及臣定柱管解未起均於正月十九日次第齊抵西安本應迅速前進查前途尙有兩淮浙江撥川

餉銀悉在鳳寶一帶停頓未能前進如<sub>且</sub>等亦  
將餉銀運至彼處徒形擁擠惟有不時探聽一  
俟前起可以通行隨即分起趕緊趨運奏入

上命軍機大臣傳諭國霖定柱曰西安省城急需餉  
項自應就近先爲留貯以資接濟至二三末等起  
餉銀次第齊抵西安因前途尙有兩淮浙江解川  
餉銀悉在鳳縣一帶停頓是以暫緩前進所辦亦



安國霖等原派令護送餉銀並無剽賊之事不妨  
行走稍遲現在陝境竄匪尙未能殲淨設中途稍  
有疎虞關係甚重此時惟當將餉銀慎重照護總  
俟確探前途通行無阻時再分起趕緊趨運前進  
分投交卸亦未爲遲也

同日

上命軍機大臣傳諭額勒登保那彥成德楞泰長麟

台布曰川陝各股竄匪輾轉奔逃四載有餘各路帶兵官員雖分投追捕不得要領總未痛加截殺剿盡一股究因額勒登保那彥成等不能先事佈置辦理遲延所致現據魁倫奏竄入畧陽賊匪欲赴甘省搶馬直趨成都雖係地方官稟報之詞得自傳聞但朕揣度賊情該匪等現由寧羌畧陽竄入甘境後自不肯直向西趨逸出嘉峪關外亦無

令出關之理賊匪詭計必僣出階文一帶擾及  
川南川西繁庶之區身處孤涼是白水江一路防  
堵尤關緊要此時那彥成已從兩營進剿而楊揆  
慶成等亦帶兵馳赴鞏昌相機堵截該處俱係土  
山平衍迥非老林正可施展兵力額勒登保務須  
與那彥成等併力合擊並於階文一帶嚴密堵禦  
切不可任賊匪由小路竄入川境完善地方以致

剿辦費手其陝省未經被賊處所亦應一律堵禦  
勿令賊匪得以蹂躪至石泉屯聚賊匪有台布在  
彼追捕現又令德楞泰馳赴該處協剿長麟亦將  
次抵任惟應確探賊蹤併力堵截總在甘省剿盡  
勿令逃入老林又致稽誅延喘爲要各路帶兵官  
員業經遲悞四年當此賊匪分竄之時尤應上緊  
剿辦卽在甘省境內設法攻圍於三月以內將各

股竄匪速行剿竣方爲不負委任總之官兵擊賊  
但能奮迅直前將賊匪痛剿一二次則該匪等自  
必聞風膽落漸成潰散而附近民人亦不敢心生  
反側致與賊匪勾合可期以次殲除額勒登保那  
彥成等及各路帶兵官員或剿或堵總係同辦一  
事惟當同心合力尅期奏績果能將分竄賊匪堵  
禦嚴密殲洗淨盡則酬庸之典朕斷不遺一人若

惟知各顧各路卽能剿辦一股而別股賊匪仍在  
奔逃朕亦斷不卽加恩賞也

上又命軍機大臣傳諭伯麟吳熊光日前經降旨令  
派調征兵各省酌募新兵以補原額嗣據伯麟奏  
山西省募過新兵一千八百四名尙應照現缺兵  
數再募十分之四吳熊光奏河南省招募練兵五  
千名但招募補額之兵必須勤加訓練悉成勁旅

方爲有用之師現在山西河南邊境寧謐賊匪竄入陝甘有大兵剿捕斷無闖入山西河南邊界之事第豫晉兩省毗連畿輔必須兵強卒練有勇知方庶足以資保障卽或有需調派之處亦可得力著傳諭伯麟將征兵額數全行召募補足外再召募數千名吳熊光亦酌量情形於已經募補外再召募數千名務須督飭鎮將備弁等勤加操練緩

急可恃方爲不負委任卽賊匪蕩平之後該二省  
多留數千兵丁增添額餉亦不爲糜費也

三十日癸未廣興奏言查賊匪狂奔迄無定向各

路軍營移師追剿所有每月兵餉若必待臨期  
撥運不但恐道途梗塞有稽時日並慮有被賊  
搶失之虞是以臣到任以來均於適中之各要

隘酌解銀三五萬兩不許絲毫擅動以備師臨



調取惟官兵應得鹽菜鄉勇應得口糧均有定  
例從前餉銀到營先將例不准銷之項盡數關  
支反將鹽糧拖欠此時雖籌備充裕各營應領  
數目若不由臣等核定一任濫行提支又非慎  
重軍儲之道是以何營每月應領若干必須行  
文撥用以歸核實卽經畧叅贊大營亦係如此  
辦理今隨總兵朱射斗糧員納溪縣典史周國

樞於<sup>臣</sup>等指定在安輯寨提銀一萬兩散給十

二月分兵餉一節並不遵照指定數目擅向安

輯寨於應領一萬兩之外多領銀五千兩既將

銀兩關領又無隻字稟報且新定章程凡經手

錢糧之員旬日一報月結一總以備稽查該員

於行知後兩月有餘從未報過一次顯係有心

朦混若非<sup>臣</sup>查出詢問則此項銀兩幾無着落

現在各處俱有糧員若俱似此任意提支何以  
慎重軍儲該典史係無級可降之員應請先行  
革去頂戴暫予留任現在朱射斗之兵已歸併  
魁倫一路無需該員隨往臣現在留於達州令

將所領銀兩如何支銷詳細開明清賬並將經  
手之項逐一核算清楚如果確核無浮再予咨  
部開復設有例外多支及侵漁情弊卽革職嚴

叅治罪再朱射斗所帶官兵上年三四五等月  
應得鹽菜口糧俱有拖欠臣等前次奏明辦理  
糧餉章程聲明一切舊欠俟查明再辦是以此  
項尚未開支近日朱射斗統領官兵前抵漢州  
該兵丁知係糧臺總匯向將領索取餉銀置辦  
衣履以便隨營該官兵現需隨同魁倫赴前敵  
打仗既係應得之項臣未敢拘泥當令從前隨

營糧員知縣李天培造具清冊詳細核算共需銀一萬七千餘兩照數給發飭令卽行散給以清舊款

廣興又奏言竊查此次

賞撥江西地丁銀三十四萬二千六百兩零解川備用先經魁倫會同臣飭令解赴達局交收於正月初五十七等日先後據委員通判周松年趙

嘉稭知縣蔣敬源等分爲三起押解前來當卽  
督同道員嚴士鉉等逐平用部頒庫平砝碼公  
同彈兌除照數彈收外三起共長平銀三千一  
百八十兩零臣飭令該局將兌收長平銀兩收  
入正項一體支銷再辦理軍需款項頭緒繁多  
達州軍需局務前奉

旨派令建昌道劉清隨同臣辦事現在魁倫統兵出

剿業將劉濤帶往軍營總局行走乏人請卽以  
四川候補知府福森布令其駐劄達州幫同辦理  
廣興又奏言查額勒登保於上年十二月二十

五日在王家寨拔營前赴陝西協剿魁倫於正  
月初八日起程相隔已將半月住於雷音鋪辦  
理地方事務又有八日之久十五日始行起程  
是日仍在達州所屬之麻柳場紮營德楞泰追

賊至太平地方亦就近由西鄉赴陝協剿雖經  
額勒登保由八百里公函令其回川現在尙無  
信息七十五跟剿張子聰一股亦無暇他顧昨  
接合州來稟竄至該州地方賊匪仍屬無兵追  
趕現在川東之賊一任蔓延竟係無人管理夫  
冬大功將屆詎成忽又如此延緩若因循日久  
何日得以告蒞惟有據實陳明仰懇嚴行



降旨飭催以期膚功迅奏再賊匪於初四日已據至  
合州魁倫取道梁山帶兵進剿道路是否紆廻  
並懇就近調取川省全圖呈

覽自遊

聖明洞鑒均奏入

上命軍機大臣傳諭廣興曰從前承辦軍需各員意  
圖浮冒於收兌餉項不但無所贏餘并有將正項

侵蝕藉詞平短以為開銷地步今廣興奏收兌江  
 西餉銀長出平餘三千一百八十兩零可見從前  
 撥去餉項並非原兌短發總緣局員將正項平餘  
 一併侵用藉詞掩飾至廣興經手軍需尚為詳慎  
 不得因現在餉項充裕且有平餘稍不撙節然軍  
 營必須支領之項亦不可過於苛刻一味減省總  
 宜酌籌緩急妥為經理至所奏朱射斗一路官兵

補領鹽菜口糧一萬餘兩所辦甚是候補知府福森布著准其留於達州辦理軍需其多領餉銀五千兩之糧員納溪縣典史周國樞著照所請先行革去頂戴暫予留任俟廣興查明有無浮冒侵漁情弊再行核辦

上又命軍機大臣傳諭魁倫曰昨魁倫奏報馳赴合州帶兵剿賊辦理遲緩已降旨令魁倫將川省餘

匪上緊剿辦矣近又聞川省合州地方有賊匪二  
千餘人竄入並無官兵追趕一任川東之賊肆竄  
蔓延魁倫係本省總督防堵是其專責現又派令  
帶兵專剿四川各股餘匪自應酌派將弁於各處  
邊隘嚴密堵禦何得漫無調撥以致合州地方竟  
無官兵追剿一任賊匪來往自如魁倫所辦何事  
現在川省賊匪股數無多魁倫務須趁此機會實

力籌剿於春三月內悉數殲除尙可贖從前辦理  
遲延之咎至堵禦事宜尤不可意存膜視倘旣遲  
緩於前又復踈懈於後致零星賊匪日久蔓延而  
陝甘各股竄匪仍復折回四川則惟魁倫是問恐  
不能當此重咎也